

Vnd stehe ab von dem Laster groß/
Der seufferey schnöd/ arg vnd böß/
Lehrn nüchtern lebn/ zu Gottes ehr/
Vnd sich von sünden zu ihm bekehr/
Vnd seiner gaben recht gebrauch/
So wird er dann hinwider auch/
Sich zu vns wenden vnd thun fehrn/
Die völle Biers vnd Weins beschern/
Wird auch die Thewrung frey auff hebn/
Die guten Thare wider gebn/
Das werde war/ hilff Ihesu Christ/
Der für die Sünder gestorben bist/
Vnd gib vns allen deine gnadt/
Das wir nach deinem willen/ früh vnd spat
Leben hie zeitlich vnuerletzt/
Im himl ewig bey dir zu letzt.

A M E N.

Gedruckt zu Erfurdt /
durch Georgium Farnman/
wonhafftig auffm Bische
Markt.

